



Mahôl a M'a Ni ôl Ngi

Ntilga Ni Watson Goodman

Likebla li yanga—
I babe nyunga

MAHÔLA M'A NLÔL NGI

A yé hi baaga hi mañ kaat hi nunda we minlôn mi kaat NYAMBE. Bi tilna bi pumbi mbogog i kété mino mi mam, inyule banga ndoñol kaat NYAMBE i yé kaat NYAMBE yo mede. Banga NYAMBE i nlôl ngi i nlon banga mahôla i kété ñem u yé jal ni nyus i telepsép. Mut nu a nhiel ñem, ndi a yoi ki béba yé, bale a nsébél Yésu—Kristô le a yén i kété ñem wé, a hémlage nye banga banga kiki ntohol ni NWET wé, YESU a nti nye masé ni nsañ. I son u woñ me bi bon i nwi 1937, i bôdôl yokela, adna yem lônni NWET i m'a kiti bé.

Me nsoohe we le u suhul wemedede nyeni u leege nye nana kiki ntohol ni NWET won, i bale u nyegi ni, u bon hala ni ñem won wosôna, le ndi u kosna masoda ma NYAMBE.

—Watson Goodman (1920-2002)

Scripture text from the Bible in Bassa used by permission of United Bible Societies Africa Regional Centre, Nairobi, Kenya.

GWÉHA NYAMBE

1

Ndi Nyambe a ñéba gwéha yé inyu yés munu jam lini le, ngéda di ba di ngi yiine baboñbéba, Kristô a wél inyu yés. —Rôma 5:8

Bisu bi ngant Pasa, Yésu a yi le ngeñ yé i nyodi munu nkoñ'isi unu i ke yak Isañ i mal kola. A ba gwés bôt bé ba ba nkoñ 'isi, a gwéhak yaga bo letee ni lisuk. —Yôhanes 13:1

Mut nye ki nye a gwé bé gwéha i nloo ini, le mut a ti nom yé inyu mawanda mé. —Yôhanes 15:13

Yak ni Yésu Kristô, mbokmbôgi nu maliga, mbôkgwée ikété bawoga, ni nu a yé ñane ngi bikiñe bi'isi. Inyu nu a ngwés bés, a ho-

hol ki bés bibéba gwés ni matjél mé. —Masoola 1:5

Inyule Nyambe a lôôha gwés nkoñ 'isi, jon a tine pomba yé Man, le tonjee a nhémle nye a' nimil bé, ndi a gwé niñ boga. —Yôhanes 3:16

Yéhôva a pémél me behee, nye me le, Me bi gwés we lônni gwéha i boga; jon longenem yem i liñi ni we. —Yérémia 31:3

Ndi Nyambe nu a yôgi ni lingwañ li konangoo, inyu ngandak yé gwéha a gwés bés ngéda di ba bawoga inyu mahôha mës, a niñis bés lôn yada ni Kristô (ni bi tohla-na ni karis Nyambe) —Efésô 2:4, 5

2 LIBAK LI NYAMBE LI YESU—KRISTÔ

Ndi pénda i ta bé le jimp li sin-ge Nyambe ñem li yé likeñi. Nu a nenne ikété minsôn, a kéla le a tée sép inyu Mbu, a téa ni angel, a añlana ikété biloñ bipe, a hémlana nkoñ 'isi, a yôña ikété lipém ngi. —1 Timôtéô 3:16

Banga i ba bibée, Banga i ba ni Nyambe, Banga i ba ki Nyambe. Banga i yila minsôn, i yén ki béh-ni . . . nyonok ni karis ni maliga. —Yôhanes 1:1, ni 14

Ndi mam mana momasôna ma gwéla le mam Nwet a kal ni mpô-dôl ma yon le, Nuna-ki, ngont ngi yi munlôm y'a nembee, i gwal man munlôm, b'a o nye jôl le Ema-

nuel; hala yé le, Nyambe i béhni. —Matéô 1:22, 23

Béhna Tata di yé wada. —Yôhanes 10:30

Bale bo ndi ni yik me, ki ni nyi ki Tata; ibôdôl hanano ni nyi nye, ni bi tehe ki nye. Filipô a kal nye le, A Nwet, unda bés Tata, ndi hala a kola ni bés. Yésu a kal nye le, A Filipô, ntandaa ngéda me yé ni bé, ndi u yi bé me? Nu a bi tehe me, wee a bi tehe Tata; lela u nkal le, Unda bés Tata? Ba u nhémle bé le me yé ikété Tata, Tata ki ikété yem? Bibanga me nkal bé, me mpot bé me ni memede; ndi Tata nu a yii ikété yem nyen a mboñ minson nwé. —Yôhanes 14:7-10

YÉSU, MAN NYAMBE

3

Tonjee a mpahal le Yésu Kristô a yé Man Nyambe, wee Nyambe a yii ikété yé, yak nye ki ikété Nyambe. —1 Yôhanes 4:15

Ni angel i timbhe, i kal nye le, Mbu Mpubi a' lól we, lipémba li Nungingi l'a hôô we, jon yom publi w'a gwal y'a séblana le Man Nyambe. —Lukas 1:35

Inyule man a ngwée bés, man munlôm a ntina bés, ndi jai li mbok l'a kahap ngi yé tu; b'a o ki nye jôl le, Négahôôt, Ntipék, Nyambe nu lipémba, Isañ nu mba ni mba, Ñane nsañ. —Yésaya 9:5

Ki nye a ngi podok, nun-ki, ont publi i hôô bo; ndi nun-ki, kiñ i lól i

ont, i kal le, Nunnu a yé Man wem nu gwéha, a niémél me; bé embla-na nye. —Matéô 17:5

Yésu a kal nye le, U yé batehga nye, ngo nye nu a mpôdôs we. —Yôhanes 9:37

Inyule ngim libak li Nyambe nyemedede, nya i yôni, i yiine ndigi ikété nyu yé. —Kôlôsé 2:9

Me bé yi bé me nye; ndi nu a bi om me i sôble ni malép, nyen a bi kal me le, Nwet w'a tehe Mbu a nsôs, a yén ngi yé, nyen a yé nu a nsôble ni Mbu Mpubi. Me bi tehe, me bok ki mbôgi le nyen a yé Man Nyambe. —Yôhanes 1:33, 34

4 YÉSU A KAL BÉS NJEE A YÉ

Ni nye a kal bo le, Bé ni yé ba 'isi; me me yé nu ngi; bé ni yé ba nkoñ 'isi unu; me me ta bé me nu nkoñ 'isi unu. . . . Yésu a kal bo le, Hodo, hodo, me nhomp bé le, Abraham ngi ba, ki me me yé.

—Yôhanes 8:23, ni 58

Muda a kal nye le, Me nyi le Mé-sia a'lo (nu a nsébla le Kristô); ngéda a'lól, a' kal bés mam momasôna. Yésu a kal nye le, Men me yé nye, mme nunu me mpôdôs we.

—Yôhanes 4:25, 26

Yésu a kal bo le, Men me yé koga i niñ; mut a nlo meeni njal y'a gwel bé nye; nu ki a nhémle me nyus y'a gwel ha bé nye.

—Yôhanes 6:35

Ngéda me yé nkoñ 'isi me yé mapubi ma nkoñ 'isi. —Yôhanes 9:5

Jon Yésu a kélél ki bo le, Hodo, hodo, me nhomp bé le, Men me yé nwemel mintômba. —Yôhanes 10:7

Yésu a kal nye le, Men me yé bitugne, me yé ki niñ; nu a nhémle me, to a nwo ya, a' niñ.

—Yôhanes 11:25

Ni nsébél me le, Malét, ni le, Nwet; ni mpot longe, inyule me yé hala.

—Yôhanes 13:13

Yésu a kal nye le, Men me yé njel, me yé maliga, me yé ki niñ; mut nye ki nye a mpam bé yak Ta-ta, hababé inyu yem.

—Yôhanes 14:6

NDEG MAM I HELHA I YÉSU

5

Ni nye a kal le mamut ma yén isi ngi bayôoma; ni nye a yoñ bikoga bitan, ni tjobi diba, a nun ngi, a sayap, a bôk bikoga, a ti banigil gwo, banigil ba lôôs mamut ma bôt. Bobasôna ba je, ba nuu; ni bo ba bada bikét bi yégle jôm li mi-nyonok mi bisel mbôk iba. Bôt ba je ba ba jam kii bo dikôô di bôlôm ditan, handuk bôda ni bongé.

—Matéô 14:19-21

Ndi nun-ki, bôt ba ndim ba, ba ba ba yii pañ njel, ba nok bañ le Yésu a ntagbe, ba lont, ba kal le, A Nwet, man David, kon bés ngoo. . . . Ni Yésu a telep, a sébél bo, a kal le, Ni nsômbôl le me boñ la bé? Ba kal nye le, A Nwet, le mis més

ma yibla. Ni Yésu a kon bo ngoo, a tis mis map; ni bo ba tehna bitée bilôni, ba noñ nye.

—Matéô 20:30 ni 32-34

A mal bañ pot, a kal Simôn le, Tigana nyoo lip, leña mbunja nan, ni gwel tjobi. Ni Simôn a timbhe, a kal le, A Soñ, di ntumbba ngim u, di gwel bé yom; ndi inyu likalak joñ nyen me nlénel mbunja. Kii ba mboñ hala, ba hôgô yaga ngandak tjobi, mbunja i kenak. —Lukas 5:4-6

Yésu a jôp bañ ndap Pétrô, a tehe nyôgôl Pétrô nyu i bak i gwé nye. Ni nye a tis woo wé, lihep li mal nye; ni nye a telep, a ka gwélél nye.

—Matéô 8:14, 15

6 YÉSU KRISTÔ A YÉ HEK NI NWET

Inyule mam momasôna ma héga ni nye, ma ma yé ngi, ni mana ma yé isi, mam ma nene, ni mam ma nene bé; to ma ba ya baane ba yôgi ngi ngi, to ba ba yé bet ndôñ ane ipe, to bakaambok yaga, to ba ba gwé kunde i ane. Ngo mam momasôna ma héga ni nye, ma yéne ki inyu yé.

—Kôlôsé 1:16

Nyambe . . . hala nyen lisuk li dilo dini a bi pôdhene bés lôñni Man wé, nu a téé nkôdôl mam momasôna, a hek ki nkoñ 'isi lôñni nye.

—Lôk Héber 1:2

Le inyu jôl li Yésu nyen maboñ momasôna ma nlama uma isi, to ma ba ba yé nyoo ngi, to ma bana hana 'isi, to ma ba ba yé isi hini hi-

si, ni le hi yaga hilémp hi pahal le Yésu Kristô nyen a yé Nwet, le ndi Nyambe Tata a kôs lipém.

—Filipi 2:10-11

Mam momasôna ma héga ni nye; jam jo ki jo li héga bé ibabé nye.

—Yôhanes 1:3

Inyuhala ndap Israël yosôna i yi ntiik le, Yésu nunu ni bi tômôl mbasa, nyen Nyambe a nyilha Nwet ni Kristô.

—Minson mi baôma 2:36

Inyu jam lini jon Kristô a wél, a kônde ki niñ, le ndi a ba Nwet ngi bawoga ni bayômi.

—Rôma 14:9

Nyambe a yé maliga, nu a bi sébél bé i bana adna ni Man wé Yésu Kristô, Nwet wés.

—1 Korintô 1:9

YÉSU—KRISTÔ A YÉ NKÉES MAM MOMASÔ 7

Ndi we, inyuki u mpémhene maasoñ mbagi? Yak we, inyuki u nyénél maasoñ? Inyule bés bobasôna yaga d'a telep bisu bi yéene mbagi Nyambe.

—Rôma 14:10

Me mbéhe we bisu bi Nyambe bona Kristô Yésu, nu a nyégi i pémhene bayômi ni bawoga mbagi, ni inyu mathle mé ni ane yé.

—2 Timôtéô 4:1

Ndi ngéda Man mut a' lól lipém jé, nye ni angel yosôna, a' yén yé-éne ane i lipém jé; ndi biloñ gwobisôna gw'a kodba bisu gwé, a' balgal gwo kikii ntéeda mintômba a mbagal mintômba ni minya mi kembee.

—Matéô 25:31, 32

Tata a mpémhene bé mut mba-gi, ndi a ti Man mbagi yosôna.

—Yôhanes 5:22

I ngwa Nyambe a' pémhene mam ma bôt ma sôli mbagi ni Yésu Kristô kingéda miñañ nwem minlam.

—Rôma 2:16

Yésu a bi béhe bés i añle bôt, ni i bok mbôgi le nunu nyen a yé nu a téeba ni Nyambe i ba Nkéés bayômi ni bawoga.

—Minson mi baôma 10:42

Seghene yé i yé woo wé i tibil yaga pubus het a nhéena bikôgô, ni i kot blé i ndugi yé; ndi a' ligis bikôgô ni hié hi nlém bé.

—Lukas 3:17

8 KOBLA I NLÔL NDIGI YAG YÉSU—KRISTÔ

Men me yé nwemel; ibale mut a njubul meeni a' tohlana, a' ba a jôbôk, a pamak, a' tehe homa lijél.

—Yôhanes 10:9

Yésu a kal nye le, Men me yé njel, me yé maliga, me yé ki niñ; mut nye ki nye a mpam bé yak Ta-ta, hababé inyu yem.

—Yôhanes 14:6

Jo ni jon me nkélél bé le, n'a wél bibéba binan; inyule hababé le ni hémle le me yé nye, ki n'a wél bibéba binan.

—Yôhanes 8:24

Ndi inyu karis yé nyen ba nkéla le ba téé sêp yanga yanga, inyu kobla i yé i Kristô Yésu.

—Rôma 3:24

Ndi a pam bañ peles, a yila lipigil li tohi boga inyu bôt bobasôna ba nôgôl nye.

—Lôk Héber 5:9

Jo ni jon a nla ki tohol banga li-tohlak bôt ba nkôôge bebe ni Nyambe inyu jôl jé, lakii a yii niñ mba ni mba le a yemhe inyu yap.

—Lôk Héber 7:25

Ndi tohi i tane bé ni numpe, inyule jôl lipe li ntina bôt li ta bé hana 'isi, le jon di nlama tohlana.

—Minson mi baôma 4:12

Kristô a kobol bés isi ndiibe mbén ngéda a yila mut ndiibe inyu yés, inyule i yé ntilbaga le, Tiihe-tiihe ni hi mut a péni ngi kék.

—Galatia 3:13

KOBLA I NLÔL NDIGI YAG YÉSU—KRISTÔ 9

Ndi inyu yé nyen ni yéne i Kristô Yésu, nu a yilna bés pék i nlól yak Nyambe, ni telepsép, ni pubha, ni kobla ki.

—1 Korintô 1:30

Nu a ti nyemede inyu yés, le ndi a kobol bés ni liyanmbén jolisôna, ni le a pubhene nyemede bôt le ba ba bé nyemede, ba ba nligip yaga i boñ minson minlam.

—Titô 2:14

Ni ti Isañ mayéga, nu a boñ bés le di kola i bana ngababum bapubhaga ba gwé ikété mapubi. Nyen a héa bés isi ane jiibe, ndi a jubus bés isi ane Man nu gwéha yé; ikété yé nyen di gwéne kobla yés, nwéhel inyu bibéba gwés.

—Kôlôsé 1:12-14

Inyule Man mut a bi lo i yéñ ni tohol banimlaga.

—Lukas 19:10

Ndi ba ntôp hiémbi hi yondo, ba kalak le, Wen u kôli i yoñ kaat, ni bandal ki yo bibéndél; inyule u nôla, ndi u sômbôl Nyambe bôt ni matjél moñ, ikété hi lihaa, ni hi hilémp, ni hi litén, ni hi loñ.

—Masoola 5:9

Hiumlana ki ikété gwéha kikii yak Kristô a gwés bés, a sem ki nyemede i moo ma Nyambe miño nwés kikii likébla ni sesema ba nump ntode njñ.

—Efésô 5:2

Inyule Nyambe a téé bé bés inyu hiun, ndigi le di kôs tohi inyu Nwet wés Yésu Kristô.

—1 Tésalônika 5:9

10 PUBHA LÖNNI MATJEL MA YÉSU—KRISTÔ

Jon lakii di mal kéla le di téé sêp inyu matjél mé, wee d'a tohlana toi ni hiun hi Nyambe inyu yé. Ndi ha ndik hala nyetama bé; ngo di nyadbene ki inyu Nyambe i jôl li Nwet wés Yésu Kristô, nu a mal kuhul bés sangla ini.

—Rôma 5:9, 11

Ikété yé nyen di gwéne kobla inyu matjél mé, mwéhél inyu mahôha més kingéda lingwañ li karis yé.

—Efésô 1:7

Inyule matjél mem ma malômba ma yondo mana ma nkubna ngandak bôt inyu mwéhél bibéba.

—Matéô 26:28

Ni nyi le ni bi koblana bé ni gwom bi nôbi, kikii silba to gôl,

ikété gwanga bi bilem bi lôl ni basôgôl banan, ndi ndik ni tik matjél ma Kristô, wengonle ma man ntômba nu a gwé bé lem to liton.

—1 Pétrô 1:18, 19

Ndi i ba ni le di nhiumul ikété mapubi, kikii nyemede a yiine mapubi, wee di gwé adna bés ni bés, ndi matjél ma Yésu, Man wé, ma mpubus bés béba yosôna.

—1 Yôhanes 1:7

Wee kinje ngandak i yé iloo ha matjél ma Kristô, nu a sem nyemede i moo ma Nyambe ni Mbu wé boga ibabé lem m'a pubus kiñnem nan inyu minson minwoga le ndi ni gwélél Nyambe nu niñ.

—Lôk Héber 9:14

TOHI LÖNNI HEMLE I YÉSU—KRISTÔ

11

Inyule inyu karis nyen ni bi tohlana inyu hémle, ndi hala a nlôl bé ni bébomede; a yé ndigi likébla li Nyambe, ha ni minson bé, mut a tiga le a yadap.

—Efésô 2:8, 9

Jon lakii di mal kéla le di téé sêp inyu hémle, wee di gwé nsañ ni Nyambe inyu Nwet wés Yésu Kristô.

—Rôma 5:1

Inyule i Kristô Yésu likwee li nhôla bé jam, to ngikweeba, ndik hémle i i ngwel nson ikété gwéha.

—Galatia 5:6

Inyule hi jam li ngwée ni Nyambe jon li nkomol nkoñ 'isi. Ndi komol i bi komol nkoñ 'isi yo ini le, hémle yés.

—1 Yôhanes 5:4

Hémle Nwet le Yésu, ndi w'a tohlana, we ni ndap yoñ.

—Minson mi baôma 16:31b

Jon ba bat nye le, Di nlama boñ ki, ndi we di mboñ minson mi Nyambe? Yésu a timbhe, a kal bo le, Nson Nyambe unu, le ni hémle nu a om.

—Yôhanes 6:28, 29

Ndi bini gwon bi ntilba le ni hémle le Yésu a yé Kristô, Man Nyambe, ni le hémle ni nhémle nye ni bana niñ i jôl jé.

—Yôhanes 20:31

Me lébna ki ikété yé, le me bana bañ yem yem telepsép i i nlôl mbén, ndik i i nlôl inyu hémle Kristô, telepsép i nlôl yak Nyambe inyu hémle.

—Filipi 3:9

12 KONANGO I NYAMBE

Inyule kikii ngi i yé mbedek ngi, haa ni hisi, hala ki nyen longe ye ñem i yé keñi inyu ba ba nkon nye woñi. . . . Ndi longenem i Yéhôva i yé ibôdôl boga ikepam yaga boga inyu ba ba nkon nye woñi, Telepsép yé ki letee ni balal.

—Tjémbi 103:11, 17

Lipém li ba ni Nyambe, . . . Tata nu konango, ni Nyambe nu ledésnem yosôna.

—2 Korintô 1:3

Njee a yé Nyambe kikii we, nu a nwéhél liboñok libe, a hôiga ki matjank ma minyéglá mi bôt mi ngababum yé? A ntéeda bé hiun hié mba ni mba, inyule longenem yon i nkônha nye maséé.

—Mika 7:18

Inyule longe yoñ ñem i yé keñi ngingi; maliga moñ ki letee ni mahindi ma ngi.

—Tjémbi 108:5

Ibale di ntjiba bé, hala a yé liboñok li ñéba longenem Yéhôva, inyule konango yé i malba bé. I yé yondo hi ki keglá. Ndénbe yé i yé keñi.

—Minlént mi Yérémia 3:22, 23

Ha ni nyen a tohol bés, ha inyu bé le di bi gwel minson kikii bôt ba téé sêp, ndik inyu konango yé yotama, ngéda a nughene bés ikété ligwée li yondo, a timbis ki bés yondo yondo ni ngui Mbu Mpubi.

—Titô 3:5

NYAMBE A NSÉBEL BES LE NDI LOO NYENI 13

Ndi Mbu bona mbom ba nkal le, Loo. Yak nu a nok a kal le. Loo. Nu ki nyus i gwé, a lo. Nu a nsôm-bôl, a yoñ malép ma niñ yanga.

—Masoola 22:17

Éé, a mut nyensôna nyus i gwé, loo nyono malép! Yak mut a gwé bé moni! Loga ni, ni somp, ni je; ñ, loga, ni somp wai ni manyuñ ibabé moni to ndamba!

—Yésaya 55:1

Kel i nsôk, ngwa nkeñi u ngant, Yésu a telep, a bédés kiñ ngi, a kal le, Ibale nyus i gwé mut, a lo meeni, a nyo.

—Yôhanes 7:37

Kii Yésu a ntehe hala, ñem u hént nye, a kal bo le, Nwaha bongé batitigi, ba lo meeni; ni sôña bañ bo; inyule ndôñ ini yon

ane Nyambe i yé yap.

—Markô 10:14

Yéhôva a nkal le, Loga, me nsoohe, di kaa. To i ba ya le bibéba binan bi kôibak tjôôm, gw'a pôp kikii pem; to bi bak bi kuyi ndoom, gwa' yila bipuba wengonle mahuu ma ntômba.

—Yésaya 1:18

Lona meeni, bé bobasôna ba ni ntumbba ni béega ki mbegee i nyét, me me nti bé noi.

—Matéô 11:28

Inyuhala di yé bakenwin inyu Kristô, wengonle Nyambe a mbéhne bôt manyo més, di nyemhene bé inyu Kristô le, Ni ba nsanglaga ni Nyambe.

—2 Korintô 5:20

14 BÔT BOBASÔNA BÉ BON BA YÉ BON BA NYAMBE

Inyule bobasôna Mbu Nyambe a ñéga, bon ba yé bon ba Nyambe. Inyule ni bi kôs bé mbu u ba minkol le ni tiimba kon woñi; ndi ni bi kôs mbu u ngwalakbel, mu nyen di nlôndôl le, A Abba, Tata.

—Rôma 8:14, 15

Le ndi ni la éba le ni gwé bé nsohi, to pii ñem, ndigi le ni yé bon ba Nyambe, ibabé lem, i ngembe hiai hi kôdi ni hi nkagda, homa ni mbai kikii tjôdôt hana nkoñ 'isi.

—Filipi 2:15

Ha hi mut bé nu a nsébel me le, A Nwet, a Nwet, nyen a' jôp ane ngi, ndik nu a mboñ sómbôl Tata nu a yé ngi.

—Matéô 7:21

Ikété jam lini nyen bon ba Nyambe ni bon ba nsohop ba nyina, le tonjee a mboñ bé mam ma téé sêp, to nu ki a ngwés bé maasañ, a ta bé nu Nyambe.

—1 Yôhanes 3:10

Jo ni jon Nwet a nkal le, pama mu bilôn gwap, ni bagla ni bo, Ni tihba bañ yom nyega, ndi m'a leege bé. Nwet Bayemlikok a nkal ki le, M'a ba bé ison, bé ki n'a ba me bon ba bôlôm ni ba bôda.

—2 Korintô 6:17, 18

Ndi ba bobasôna ba leege nye, ba ba nhémle i jôl jé, bon a ti kundé i yila bon ba Nyambe.

—Yôhanes 1:12

MAM NYAMBE A KAL INYU BINYONYO BI HIUA 15

Éé bôt ba mpule nyôba binyonyo bi ngui bikeglá tutu, ba nomok ki mu ikepam masudne ma u, letee ba kala ni wai!

—Yésaya 5:11

U nun bañ wai ngéda i nkôyôp, ngéda i nleñ disañ ikété libôndô, ngéda i nhôl longe. I nsôk kogana kikii nyoo, i suulaga kikii nsiñ nyoo.

—Bingéngén 23:31, 32

Ngo minson mi minsôn mi nyiba, ndôñ hogi kikii ndénk, ni nyega, ni biyôgda, ni bégés bisat, ni gwélél makañ, ni ôa, ni ndañ, ni njôn, ni nyai, ni péena, ni lisanda, ni mbagla, ni tama, ni lihiua, ni bilôn bi mpungu, ni ndôñ mam ipe hala. Inyu mam mana me mbugus nwin bisu nyoo béni, kikii me bi

bôk yaga kal bé le, bôt ba yé ba mboñ ndôñ mam ini b'a kôdôl bé ane Nyambe.

—Galatia 5:19-21

Di hiômôk nya i kôli kikii bôt ba binjamuha, ndi ha ikété bilôn bi mpungu bé ni lihiua, to ikété tek mabôk ni biyôgda, to ikété ndañ ni njôn. Ndi engbana Nwet le Yésu Kristô, ni bôihe bañ minsôn i néhne minheña nwé njel.

—Rôma 13:13, 14

Wai i njôha, binyonyo bi ngui bi nyai; tonjee a nyôm mukété a gwé bé pék.

—Bingéngén 20:1

Inyule a' ba mbiñ mut mis ma Nwet, a' nyo bé wai to binyonyo bi nhiuha.

—Lukas 1:15a

A kal nye le, U gwéhék Nwet le Nyambe woñ ni ñem woñ wonsóna, ni nom yoñ yosóna, ni mahoñol moñ mo masóna. Litiñ lini jon li yé likeñi ni li bisu. Li iba li yé kikii lini li yé le, W'a gwés mut woñ libók kikii wemedede.

—Matéó 22:37-39

A longe Malét, me boñ la le ndi me kòdól niñ boga? Ni Yésu a kal nye le, U nséblene ki me longe? Mut nye ki nye a ta bé longe, handugi Nyambe nyetama. U nyi matiñ le, U nolok bañ mut, U kenek bañ ndénk, U nibik bañ, U telbak bañ mbógi bitembee, U lôgók bañ mut, U tinak isoñ bo nyuñ li

pém. Ni nye a kal nye le, A Lét, me bi téeda mam mana momasóna ilo yaga me mange. Ni Yésu a nun nye, a gwés nye, a kal nye le, Jam jada jon li ngi yii we; ke nuñul gwom gwobisóna u gwé, u ti diyeyeba, hala nyen w'a bana lisóo li nkus ngi; ndi u lo, u noñ me. A nok bañ banga i, a kañ su, a ke ni ndutu; inyule a ba mut a gwé ngandak lihat. —Markó 10:17b-22

Biine minson nwoñ yak Yéhôva, ndi to le mahoñol moñ m'a lédhana. Njel ihogi i yé, yon i nene sép i mis ma mut, ndi lisuk jé li yé njel nyemp. —Bingéngén 16:3; 25

Ni yôm bañ; mut a ta a tógbege bé Nyambe. Inyule jam mut a nsal, jo ki jon a'bumbul.

—Galatia 6:7

A bon batitigi, mut nye ki nye a yumus bañ bé; mut a yé a mboñ mam ma téé sép nyen a téé sép kikii yak nyemedede a téé sép. Mut a mboñ béba a yé nu nsohop, inyule nsohop a mboñ béba ilo yaga bi-bée. —1 Yôhanes 3:7, 8a

Ba ni nyi bé le ba ba téé bé sép b'a kòdól bé ane Nyambe? Ni yôm bañ. Bôt ba biyabda, to babégés bisat, to bôt ba ndénk, to babóhie manyu, to ba yaga ba nalna baso

bólôm, to bôt ba wip, to bahép ni nkus, to bôt ba lihuia, to banóoma bôt, to bôt ba ngadla, b'a kòdól bé ane Nyambe.

—1 Korintó 6:9, 10

Mut nye ki nye a lôk bañ bé ni biyôgló bi minkwel, inyule munu ndoñ mam ini nyen hiun hi Nyambe hi nlól ngi bon ba ndok.

—Efésó 5:6

Ndi bé bana baboñ banga, ha banok botama bé, i lôk bébomede.

—Yakóbó 1:22

Inyule ibale mut a nhoñol le a yé jam, ndómle a ta bé to jam, wee a nlók ya nyemedede. —Galatia 6:3

Inyuhala ni nyen, kikii béba i jôp nkoñ 'isi inyu mut wada, nyemp ki i lól inyu béba, hala nyen nyemp i tóla bôt bobasóna, inyule bobasóna ba boñ béba.

—Rôma 5:12

Ndi minheña mi nyoñ bañ jém, mi ngwal béba; ndi béba ngéda i mal hólól i ngwal nyemp.

—Yakóbó 1:15

Mut a mboñ béba nyen a' wo. Man a' begee bé liboñok libe li isañ, to isañ a' begee bé liboñok libe li man. Telepsép i mut a téé sép y'a kahap ndigi ngi yé; yak matjank ma mut matjank m'a kahap ki ngi yé.

—Ezékíel 18:20

Ngo nduña minsôn i yé nyemp, ndi nduña Mbu i yé niñ ni nsañ. Inyule nduña minsôn i yé óa ni Nyambe, lakii i nsuhus bé yomede isi mbén Nyambe, i ta bé ki to le i la.

—Rôma 8:6, 7

Di lamga ya hak, ni séé; inyule manyuñ nunu a bi wo, ndi a ntémp niñ; a bi nimil, ndi a nene.

—Lukas 15:32

Nu a ntéñbe ni telepsép a' niñ, ndi nu a noñ béba a noñ ya nyemp yé.

—Bingéngén 11:19

Jon ni bé ni gwé kinje matam, ha ngéda i, mu mam ma nwéba bé nyu hanano? Inyule lisuk li mam ma li yé ndik nyemp.

—Rôma 6:21

Nu a tééba ni lipémba i ba Man Nyambe, kingéda Mbu pubha inyu bitugne bi bawoga, hala yé le, Yésu Kristó Nwet wés.

—Rôma 1:4

A pot bañ hala, a lont ni kiñ keñi le. A Lasaró, pam. Ni nwoğa a pam, nkañak ni mabadó ma soñ moo ni makóó; su wé ki nkañak ni wañsi. Yésu a kal bo le, Hohllana nye, nwaha nye, a kenek.

—Yôhanes 11:43, 44

Ni nye a kóóge bebe, a tis nkoo mim; ni babegge nkoo ba telep. Ni nye a kal le, A mange wanda, me nkal we le, Nyodi. Nu a ba nwoğa, a yén biyiyi, a ka pot.

—Lukas 7:14, 15a

Me nti niñ yem, le ndi me yoñ ki yo, jon Tata a ngwihil me. Mut nye ki nye a nkadál bé me yo, ndi memede nyen me nti yo. Me gwé ngui i ti yo, me gwé ki ngui i yoñ ki yo. Me bi yóñól litiñ lini yak Tata.

—Yôhanes 10:17, 18

Me bé nwoğa, ndi nun-ki, me yé niñ i boga ni boga, me gwé ki dili-ba di nyemp ni di Hadé.

—Masoola 1:18

Inyule jam yak me me kós jon me bi bók ti bé le, Kristó a wél inyu bibéba gwés kingéda bitilna, ni le a juba, ni le a tuglana i kel i nyónôs iaa kingéda bitilna.

—1 Korintó 15:3, 4

U ban-ga bañ banyambe bape handuk me. U héglak bañ wemedede ntjok óngba, to maónk ma yo ki yo yom i yé ngi to hana 'isi, to iké-té malép ma yé isi hini hisi; u óbak bañ letee ni 'isi bisu gwap to gwélél gwo . . .

U tóbók bañ jól li Yéhôva Nyambe woñ yanga; inyule Yéhôva a' nwas bé mut a ntóp jól. jé yanga le nógós i set nye.

U téedaga ngwa noi i téé wo le u ba mpubhaga; kikii Yéhôva Nyambe woñ a kal we. W'a boñ nson dilo disamal, nson woñ wonsóna yaga; ndi hilo hi nyónôs

disaambok hi yé ngwa noi inyu Yéhôva Nyambe woñ. . . .

U tinak isoñ bo nyuñ lipém, kikii Yéhôva Nyambe woñ a kal we

U nolok bañ mut.

U kenek bañ ki to ndénk.

To nip, u nibik bañ.

U telbege bañ ki to mut woñ libók mbógi bitembee.

To tam, u tamak bañ nwaa mut woñ libók; u ban-ga bañ ki to ngón inyu ndap mut woñ libók, to wom wé, to nkol wé, to ngolibii yé to nlóm nyaga wé, to jakas jé, to kinjee mut woñ libók a gwé.

—Ndiimda mbén 5:7-21

Inyule mis ma Nyambe ma nsie manjel ma mut; a nyimbe ki njañ yé yosóna. Jiibe li ta bé i het baboñ biyabda ba bak le ba solbene, to ngangañ jiibe yaga.

—Hiób 34:21, 22

Yéhôva a nkal le, Ba mut a yé le a solop mu bahoma ba masol, le me tehe bé nye? Yéhôva a nkal le, Ba me nyon bé ngi ni 'isi?

—Yérémia 23:24

Ibale me mbet nyoo ngi, we u yé ha; ibale me ntek nañ yem i Séól, nun-ki, u yé nyoo. To jiibe yaga li nsóó bé we jam, ndi u u mbai kikii njamuha; jiibe ni mapubi bi yé we kayada.

—Tjémbi 139:8 ni 12

Mis ma Yéhôva ma yé homa nyensóna, ma mbéngé bôt babe ni ba ba yé longe.

—Bingéngén 15:3

Inyule banga Nyambe i yé yómi ni ngui, i nho iloo yo ki yo pansoñ malo ma, i nsóóbe ki letee i bagal bo ñem, bo mbu, hala ki bo mônga, bo poños bihés, i yé ki nkéés mahoñol ni pék miñem. Héglél yo ki yo i sóli bé mbom yé; ndi mam momasóna ma yé nso, ma bémbi ki bisu bi nu di nlama tímbe.

—Lók Héber 4:12, 13

Inyule jam jo ki jo li sóli bé le a soolana bé, to jam jo ki jo li ta bé i jimp le l'a yeli bé ni pam mapubi.

—Lukas 8:17

Man mut a' om angel yé, y'a héa mam momasôna bôt ba mbaagene ane yé, ni ba ba nyan mbén; y'a leñ bo juu li hié; nyoo nyen nlént ni je mason b'a bane. —Matéo 13:41, 42

Bibéba bi bôt gw'a ke gwomede i Séól, yak ni biloñ gwobisôna bi bi nhôya Nyambe. —Tjémbi 9:18

Ni nlélémb banga ki nyen ngi i yii hanano, yak ni hisi ki ba kôhlana inyu hié, ba téédana letee ni ngwa mbagi ni tjiba i bôt ba nyan Nyambe. —2 Pétrô 3:7

Ibale woo woñ to kôô woñ u mbégaha we, kit wo, u lep wo; i yé we longe le u jôp niñ bók to ni lem,

iloo le u bana moo ma to makôô ma i léña hié hi boga. —Matéo 18:8

Bon b'a tehe kuu le mbuma boga inyu bagla b'a bagla ni mbom Nwet. —2 Tésalonika 1:9

Bana b'a ke i nógôs boga, bôt ba téé sêp ki i niñ boga. —Matéo 25:46

Inyule hiun hi Nyambe hi nsoolana, hi lolak ngi, hi kolbaga liyan Nyambe ni ngitelepsêp yosôna i bôt, bon ba nkeñ maliga iketé ngitelepsêp. —Rôma 1:18

Nyemp i nyônôs iba ini, le titimba hié. Ndi ibale mut a bi lébna bé ntilbaga iketé kaat niñ, wee a bi léña i titimba hié. —Masoola 20:15

Inyule a téé kel yada i yé le a' pémhene nkoñ 'isi mbagi i téé sêp, inyu mut mu a téé; inyu yé nyen a bi tine bôt bobasôna banga yimbene mu tugul a bi tugul nye iketé bawoga. —Minson mi baôma 17:31

Wee Nwet a nyi sôn bôt ba nsingye nye ñem iketé manoodana, a téédaga ki ba ba téé bé sêp isi nógôs letee ni ngwa mbagi. —2 Pétrô 2:9

Ndi kikii i ntééba le bôt ba wo liwona jada, mbus hala ki mbagi. —Lôk Héber 9:27

Munu jam lini nyen gwéha i ntémp nya i yôni inyu yés, le di bana maként i ngwa mbagi, inyule kikii nyemede a yé, hala nyen di

yé munu nkoñ 'isi unu.

—1 Yôhanes 4:17

Ni me me tehe bawoga, bakeñi ni batitigi, ba téé bisu bi yéene ane; ni bikaat bi budlana, yak kaat ipe ki i budlana, yon i yé kaat niñ; ndi bawoga ba bi kôs mbagi mu mam ma bé ntilbaga iketé bikaat bi, kingéda minson nwap. —Masoola 20:12

Inyule i nsômba yaga le bés bobasôna di yeli bisu bi yéene mbagi Kristô, le ndi hi mut a kôs longe to béba kingéda mam a bé boñ iketé nyu. —2 Korintô 5:10

Wee hi ki mut iketé yés a' timbhe Nyambe inyu yé nyemede. —Rôma 14:12

Ndi i ta bé le kikii lihôha li yé, hala ki nyen likébla li karis li yé. Inyule ibale ngandak bôt i wo inyu lihôha li mpom mut wada, wee karis Nyambe ni likébla inyu karis i mut wada le Yésu Kristô ba yaamba iloo hala le ba tina ngandak. —Rôma 5:15

Jon i tane ni bé inyu sômbôl mut nyemede, to inyu nu a nligip, ndik inyu Nyambe nu a nkona ngoo. —Rôma 9:16

Inyule Nyambe a nkolba bôt ba nhumbul nyu, ndi a nti ba ba nsuhus nyu karis. —1 Pétrô 5:5b

Inyule ni nyi karis Nwet wés Yésu Kristô le, to lakii a ba

ngwañ, a témp liyep inyu nan, le ndi inyu liyep jé bé ni ngwañap. —2 Korintô 8:9

Mayéga ma ba ni Nyambe inyu likébla jé li mbuma ñañ. —2 Korintô 9:15

Ndi het béba i tól, ha nyen karis i yamp nyambak, le ndi, kikii béba i bi ane iketé nyemp, la nyen yak karis i ñane inyu telepsêp i ti niñ boga inyu Yésu Kristô Nwet wés. —Rôma 5:20b, 21

Ndi baôma ba bok mbôgi yap inyu bitugne bi Nwet le Yésu Kristô ni lipemba likeñi; karis keñi ki i ba ngi yap bobasôna. —Minson mi baôma 4:33

Ngéda bôt ba ba yi bé, Nyambe a kèp bé jis nyoo, ndi hanano a nkal bôt bobasôna mbok yosô le ba hiel miñem. —Minson mi baôma 17:30

Me nkal bé le, heni; ndi ibale ni nhiel bé miñem, yak bé bobasôna n'a tjiba hala. —Lukas 13:3

A kalak le, Bé hie la miñem, inyule ane ngi i gwé ni moo. —Matéo 3:2

Ni Pétrô a kal bo le, Hie la miñem, ni sôblana hi wada nan i jôl li Yésu Kristô inyu nwéhél bibéba binan; ndi n'a kôs likébla li Mbu Mpubi. Inyuhala bé hie la miñem,

ni hielba ki, le bibéba binan bi séha, le ndi ngéda hogbe y'a ba i nlól bisu bi Nwet.

—Minson mi baôma 2:38; 3:19

Leba matjank manan nonok ni bé, mon ni bé tjangap. —Ezékiel 18:31a

Nu a nhô matjank mé a' too bé, ndi nu a mpahal mo, a nwas ki mo, nyen a' kôs konangoo. —Bingéngén 28:13

Inyule ndutu ñem kingéda sômbôl Nyambe yon i mboñ mut le a hiel ñem, le ndi a kôs tohi, ndôñ hielñem i mboñ bé mut le a yik tam; ndi ndutu ñem i nkoñ 'isi i nlon nyemp. —2 Korintô 7:10

Ndi ibale mut matjank a nhieba, a yék bibéba gwé gwobisôna, a tééda matéñ mem momasôna, a pémés ki mbagi sêp ni boñ mam ma téé sêp, wee a' niñ ndigi. A' wo yaga bé. —Ezékiel 18:21

Béba mut i nya pamba ndugi ni njel yé, ntéés bôt kuu ki ni dipa tjé, a témp yak Yéhôva, ha nyen a' kon nye ngoo; a témp yak Nyambe wés, ngo a nwéhél, a yaba. —Yésaya 55:7

Inyule ibale ni nwéhél bôt mahôha mut, ki Isoñ nan nu a yé ngi a' nwéhél yak bé. —Matéo 6:14

Ni Yésu a tehe hémle yap, a kal ñambge mut le, A man wem bibéba gwoñ bi nwéhlana. —Markô 2:5

... yina le inyu mut (Yésu) nunu nyen nwéhél bibéba i nkéla bé; ... Nyen Nyambe a bi bédés woo wé walôm le a ba Nane ni Ntohol, i ti Israël hielñem ni nwéhél bibéba. —Minson mi baôma 13:38b; 5:31

Nun-ki, me téé likôga, me nkoode; ibale mut a nok kiñ yem, ndi a yibil likôga, m'a jôp nyeni, me ni nye di lôp. —Masoola 3:20

Ibale di nkal le di gwé yaga bé béba, wee di nlôk béhbomede, ndi maliga ma ta bé iketé yés. Ibale di mpahal bibéba gwés, a yé maliga, a téé ki sêp i nwéhél bés bibéba, ni pubus bés inyu ngitelepsêp yosôna. —1 Yôhanes 1:8-9

Inyule karis Nyambe i nlon a tohi inyu bôt bobasôna i mal nene, i niiga bés le di nwas liyan Nyambe, di noñ ha bañ minheña mi nkoñ 'isi, ndi di hôt manyu més, di boñok mam ma téé sêp, di singge ki Nyambe miñem i hiai hini hanano. —Titô 2:11, 12

Mahoñol manan ma bane ndigi inyu mam ma ngi, ndi ha inyu mam ma hana 'isi bé. —Kôlôse 3:2

Ni adba bañ ki to ni minson mi jiibe, ndi yeelana ndigi nwo. —Efésô 5:11

Ni gwés bañ nkoñ 'isi, to mam ma yé mu nkoñ 'isi. Ibale mut a

ngwés nkoñ 'isi, wee gwéha inyu Tata i ta bé iketé yé. Inyule momasôna ma yé nkoñ 'isi, kikii minheña mi minsôn, ni minheña mi mis, ni humbulnyu i nom ini, ma mpigil bé yak Tata, ndik ni nkoñ 'isi. —1 Yôhanes 2:15, 16

A bôda ba ndénk, ba ni nyi bé le liwanda ni nkoñ 'isi li yé ôa ni Nyambe? Jon tonjee a nsômbôl ba liwanda ni nkoñ 'isi a nyila ñoo Nyambe. —Yakôbô 4:4

Nogbana pubhana bébomede; hénana béba i bibôñôl binan, me tehe ha bañ yo; ni boñ ha bañ béba. —Yésaya 1:16

Ibale ni nyi le a téé sèp, wee ni nyi ki le hi mut a mboñ mam ma téé sèp nyen a mal gwéé ni nye. Di nyi le hi mut a ngwéé ni Nyambe a mboñ bé béba; ndi mut a bi gwéé ni Nyambe a ntééda nyemede; mut mbe a ntihba bé nye.

—1 Yóhanes 2:29; 5:18

Jon tonjee a yé i Kristò, wee a yé hégél yondo. Mam ma kwañ ma mal tagbe; nuna-ki, ma nyila yondo yondo.

—2 Korintò 5:17

Ndi mbógi ini i yé le, Nyambe a bi ti bés niñ boga, ndi niñ ini i yé ikété Man wé. Nu a gwé Man nyen a gwé niñ; nu a gwé bé Man Nyambe a gwé bé niñ.

—1 Yóhanes 5:11, 12

M'a ti bé ñem yondo, me ha ki mbu yondo ikété nan. Ndi m'a héa ñem ngok u yé ikété minsón minan ni ti bé ñem minsón.

—Ezékíel 36:26

Yésu a timbhe nye le, Hodo, hodo, me nhomp we le, hababé le mut a ngwéé yondo, a ta bé le a tehe ane Nyambe.

—Yóhanes 3:3

Ndi ni bi sôba, ni tééba bapubhaga, ni bi kéla ki le ni téé sèp i jôl li Ñwet le Yésu Kristò lôñi Mbu Nyambe wés.

—1 Korintò 6:11b

Ni yé batimbaga gwéé, ndi ha ni mbôô bé i i ñôbi, ndik ni i i ñôbi bé, yon i yé banga Nyambe i i yé yômi ni i i nom.

—1 Pétrò 1:23

Bé bon a bi niñis ngéda ni bé ba-woga ikété mahôha ni bibéba binan. A tugul bés lôñ yada ni nye, a yis ki bés homa wada nyoo ngi i Kristò Yésu.

—Efésò 2:1 ni 6

Nyemede ki nyen a begée bibéba gwés mu nyu yé ngi kék, le ndi lakii di bi wo i pes bibéba, wee di niñlak ikété mam ma téé sèp. Ngo inu inu minkôndga nwé bé ni bi mbôôp.

—1 Pétrò 2:24

Jon ibale ni bi tuglana lôñ yada ni Kristò, wee yéña ni mam ma yé nyoo ngi, i het Kristò a yiine i nyéene yé woo walóm Nyambe. Mahañoñ manan ma bane ndigi

inyu mam ma ngi, ndi ha inu mam ma hana 'isi bé. Inyule ni bi wo, ndi niñ nan i sôli lôñ yada ni Kristò yak Nyambe.

—Kólósé 3:1-3

Ndi ba ba yé ba Kristò Yésu ba bi mal tòmól minsón mbasa, lôñ yada ni bisómble gwé ni minheña nwé. Ibale di niñil ni Mbu, wee di hiumlak ikété Mbu.

—Galatia 5:24, 25

Bés ba di bi wo i pes béba, lela d'a niñil ki mukété? Hala ni nyen yak bé, aña ndigi bébomede kikii bawoga i pes béba, ndi bayômi i pes Nyambe i Kristò Yésu.

—Rôma 6:2 ni 11

Inyule mut a nsélél minsón nwé nyemede, mu minsón nyen a' bumble tjiiba; ndi nu a nsélél Mbu, mu Mbu nyen a' bumble niñ boga.

—Galatia 6:8-9a

Kikii Môsé a bédés nyoo ñôñ, hala ki nyen yak Man mut a nla-ma bédhana, le tonjee a nhémle a bana niñ boga inu yé.

—Yóhanes 3:14, 15

Nu a nhémle Man a gwé niñ boga; ndi nu a nógól bé Man a' tehe bé niñ, ndi hiun hi Nyambe hi tiñi ni nye.

—Yóhanes 3:36

Inyule nsaá béba u yé nyemp, ndi likébla li karis li Nyambe li yé niñ boga i Kristò Yésu Ñwet wés.

—Rôma 6:23

Hodo, hodo, me nhomp bé le, Nu a nok banga yem, ndi a hémlege ki nu a om me, a gwé niñ boga; a mpam bé mbagi, ndi a yé batagbaga nyemp, a niñ.

—Yóhanes 5:24

Niñ boga ini, le ba yi we banga mpom Nyambe wada, ni nu u om, le Yésu Kristò.

—Yóhanes 17:3

Ndi mbógi ini i yé le, Nyambe a bi ti bés niñ boga, ndi niñ ini i yé ikété Man wé.

—1 Yóhanes 5:11

Ni kon bañ ndutu miñem minan; hémhana Nyambe, hémhana ki me. Ngandak mayééne i yé ndap Tata; bale i bak bé hala, ki me bi kal bé; me nke kôôbana bé homa.

—Yóhanes 14:1, 2

Mbu nyemede a mbok nlélém mbógi kétéé mimbu nwés le di yé bon ba Nyambe.

—Rôma 8:16

Nu a gwé Man nyen a gwé niñ; nu a gwé bé Man Nyambe a gwé bé niñ. Me mal tilna bé mam mana le ndi ni yi le ni gwé niñ boga, bé ba ni nhémle jôl li Man Nyambe.

—1 Yóhanes 5:12, 13

Nu a gwé matiñ mem, a téedaga ki mo, nyen a ngwés me; nu ki a ngwés me Tata a' gwés nye, yak me m'a gwés nye, m'a unda ki nye memede.

—Yóhanes 14:21

Ndi telepsép y'a gwal nsañ, litam li telepsép ki l'a ba ñem li

ma; n'a yugyene ki me nyu mba ni mba.

—Yésaya 32:17

Ndi lakii ni yé bon, wee Nyambe a bi om Mbu Man we ikété miñem nwés, nyen a nlont le, A Abba! Tata!

—Galatia 4:6

Munu jam lini le a bi ti bés Mbu wé nyen di nyil le di yi ikété yé, nye ki ikété yés.

—1 Yóhanes 4:13

Ndi me nwo bé me nyu, inyule me nyi nu me bi hémle, me nyi ki longe longe le a gwé ngui i tééda jam me bi ti nye ikepam yokel nu.

—2 Timótéó 1:12b

Hodo, hodo, me nhomp bé le, Nu a nhémle a gwé niñ boga.

—Yóhanes 6:47

Ndi hanano ni me nlo weeni; me mpot mam mana nkoñ 'isi, le ba bana maséé mem nyonok ikété yap.

—Yóhanes 17:13

Ndi m'a kônde tehe bé, miñem minan nw'a sée, mut nye ki nye a' yoñ bé bé maséé manan.

—Yóhanes 16:22b

Inyule ane Nyambe i ta bé je ni nyo, ndik telepsép, ni nsañ, ni maséé i Mbu Mpubi.

—Rôma 14:17

Jon n'a ap malép ni masôbhe i mangen ma tohi.

—Yésaya 12:3

Me tómlana lôñ yada ni Kristò mbasa; ha memede ha bé me nyen me niñ, ndi Kristò nyen a niñ ikété

yem. I niñ me niñil hanano minsón, me niñil yo inu hémle me nhémle Man Nyambe, nu a gwés me, a sem ki nyemede inu yem.

—Galatia 2:20

Me bi kal bé mam mana, le maséé mem ma ba ikété nan, yak maséé manan ma ba nyonok.

—Yóhanes 15:11

W'a unda me njel niñ; I mbom yoñ maséé ma yôni ma yé, I woo woñ walóm mam ma nkónha maséé ma yé mba ni mba.

—Tjémbi 16:11

U bi yis me manjel ma niñ, w'a yônôs me ni maséé bisu gwoñ.

—Minson mi baôma 2:28

Ndi ibale n'a nógól bé kiñ Yéhôva, ndi ni ndogbene litiñ li Yéhôva, ha nyen woo u Yéhôva w'a kolba bé, ki kii u ba kolba basañ banan.

—1 Samuel 12:15

Balôñe! Ba ni nyi bé le, sem ni nsem bébomede yak mut kikii minkol i nógól nye, wee ni yé ndik minkol mi mut ni nógól; to mi béba inu nyemp, to mi manôgla inu telepsép.

—Rôma 6:16

Ni le bé ba ni nkôs njiiha, ni kôs noi lôñ yada ni bés, ngéda Ñwet le Yésu a' soola, a lôlak ngi lôñni angel i lipémba je ikété lindômbô li hié. A' kôp mapuna ngi bôt ba nyi bé Nyambe, yak ni ba ba ntóp

bé nógól niñañ minlam mi Ñwet wés Yésu Kristò. Bon b'a tehe kuu le mbuma boga inu bagla b'a bagla ni mbom Ñwet.

—2 Tésalônika 1:7-9

Nuna-ki, me ntéé masoda ni ndiibe bisu binan i len ini: masoda ibale n'a nógól matiñ ma Yéhôva Nyambe nan, ma me nkal bé i len ini, ndiibe ki ibale n'a nógól; bé matiñ ma Yéhôva Nyambe nan.

—Ndiimba Mbén 11:26-28a

Inyule ngéda i nkola le mbagi i bôdól pémel ndap Nyambe, ndi ibale i mbôdlene béhni, wee lisuk li bôt ba nógól bé miñañ minlam mi Nyambe l'a ba la?

—1 Pétrò 4:17

34 LIPAHAL KRISTÔ HALA A YÉ YEÑE

Inyule ibale u mpahal ni nyo woñ le Yésu a yé Nwet, ndi u hémlege ki ni ñem woñ le Nyambe a tugul nye ikété bawoga, wee w'a tohlana. Inyule ni ñem nyen mut a nhémle inyu telepsép; ni nyo ki nyen a mpahlene inyu tohi.
—Róma 10:9, 10

Tonjee a ntañba Man, wee a gwé bé Isañ. Ndi mut a mpahal Man, nyen a gwé ki Isañ.
—1 Yôhanes 2:23

Inyule tonjee a nwél me ni bibanga gwem nyu, nyen yak Man mut a' wél nyu, ngéda a' lól ikété lipém jé, ni li Isañ, ni li angel publi.
—Lukas 9:26

Ni le hi yaga hilémp hi pahal le Yésu Kristô nyen a yé Nwet, le ndi Nyambe Tata a kôs lipém.
—Filipi 2:11

Hala nyen hi mut a mpahal me bisu bi bôt, yak me m'a pahal nye bisu bi Tata nu a yé ngi. Ndi tonjee a ntañba me bisu bi bôt, yak me m'a tañba nye bisu bi Tata nu a yé ngi.
—Matéó 10:32, 33

Banga ini i yé maliga le, ibale di bi wo ni nye, wee d'a niñ ki ni nye lôn; ibale di nhônba, wee d'a ane ki lôn yada ni nye; iba ki le di ntañba nye, ki yak nye a' tañba bés.
—2 Timôtéó 2:11, 12

SATAN—NKOLBA WÉS NU NKEÑI 35

Ni ambak manyu, ni yénak ki péé, inyule nkolba nan le nsohop a nhióm kikii mbondo njéé le i nkónt, a yéñék nwet a mil.
—1 Pétró 5:8

Ngo nyanmbén nu malól mé ma yé kingéda ngui Satan a ñéba, ni lipémba jolisóna, ni biyimbne, ni mam ma hélha ma bitembee.
—2 Tésalónika 2:9

Inyu yibil mis map le ba nyodi jiibe, ba témp mapubi, ba nyodi i ngui Satan, ba témp yak Nyambe, le ba kôs nwéhel bibéba ni ngababum ikété ba ba yé bapubhaga inyu hémle ba nhémle me.
—Minson mi baóma 26:18

Ni Mbu a bedna Yésu ñoñ le a noodana ni nsohop. Yésu a kal nye le, A Satan, nyodi; inyule i yé ntilbaga le, U óóbak bisu bi Nwet le Nyambe woñ, u gwéélak ndik nyetama. Ni nsohop a yék nye, ndi nun-ki, angel i lo gwélél nye.
—Matéó 4:1 ni 10, 11

Me nsók kal le, bana yaga ngui i Nwet, ni ikété ngui lipémba jé. Engbana bijól bi gwét bi Nyambe gwobisóna, le ndi ni la kolba dipa di nsohop.
—Efésó 6:10, 11

Inyule bijól bi gwét gwés bi ta bé bijól bi ba yés minsón, ndi bi yé ngui mis ma Nyambe i bók dikóya di gwét.
—2 Korintó 10:4

36 YÉMBÉL I NGI SATAN

Hala kikii bon ba gwé matjél ni minsón, wee yak nyemede a yoñba jóga mukété nléléme hala, le ndi a nónól nyemp i yungus nu a gwé ngui nyemp, hala yé le nsohop.
—Lók Héber 2:14

Mut a mboñ béba a yé nu nsohop, inyule nsohop a mboñ béba ilo yaga bibéé. Jon Man Nyambe a soola, le ndi a óbós minson mi nsohop.
—1 Yôhanes 3:8

Wee njee a' bagal ni bés ni gwéha Kristó? Ba njilha, to bikuu, to ndéenga, to himala hi njal, to liyep li mbot, to tjiba, to pansóñ? Ndi ikété mam mana momasóna komol yés i yé balal ba ndamba inyu nu a gwés bés. —Róma 8:35 ni 37

Jon suhlana bébomedele Nyambe a ane bé; kolbana yaga nsohop, ndi a' ke bé ngwéé. Kóógana bebe ni Nyambe, ndi yak nye a' kóóge bé bebe.
—Yakóóbó 4:7, 8a

Ha ni nyen nyanmbén a' soola, nu Nwet le Yésu a' óbós ni nhébék nyo wé, a yungut ki nye i tihil a' tihil malól mé. Ngo nyanmbén nu malól mé ma yé kingéda ngui Satan a ñéba, ni lipémba jolisóna, ni biyimbne, ni mam ma hélha ma bitembee.
—2 Tésalónika 2:8, 9

To kinje ngéda mimbu mi nyega mi tehe nye, mi kwo bisu gwé, mi lont, mi kal le, U yé Man Nyambe.
—Markó 3:11

GWÉHA LEM I NIGIL 37

To me pot ya dilémp di bôt ni di angel, ndi me bana bé me gwéha, wee me yé nkéñ mamuna u nkuda, to bende i nloña maóó.
—1 Korintó 13:1

Ndi litam li Mbu li yé gwéha, ni maséé, ni nsañ, ni wongut, ni longeném, ni liyómba, ni ñem hémle, ni ñemlima. —Galatia 5:22, 23a

A tiimba ki bat nye ngélé i nyónós iba le, A Simón, man Yôhanes, ba u ngwés me? A kal nye le, Ñ, a Nwet, u nyi le me nsingé we. A kal nye le, Tédéaga mintómba nwem.
—Yôhanes 21:16

Ibale ni ngwés me, n'a tééda matiñ mem. —Yôhanes 14:15

Ibale mut a nkal le, Me me ngwés Nyambe, ndi a ook maasañ, wee a yé ndik mut bitembee, inyule mut a ngwés bé maasañ nu a mal tehe, a nla bé gwés Nyambe nu a ma tehe bé. —1 Yôhanes 4:20

Hala nyen bôt bobasóna b'a yi le ni yé banigil bem, ibale ni ngwéha.
—Yôhanes 13:35

Bés di nyi le di malba ni nyemp, di yé niñ, inyule di ngwés lóktata. Mut a ngwéha bé a yii ikété nyemp.
—1 Yôhanes 3:14

Inyule gwéha Nyambe ini, le di tééda matiñ mé, ndi matiñ mé ma ta bé nledek. —1 Yôhanes 5:3

38 LITUGE LI YÉSU KRISTÔ

Bés di yé mbógi inyu mam momasóna a bi boñ ikété loñ Lók Yuda, ni Yérusalem; nye ki nyen ba bi nol, ba bi tómol nye mbasa. Nyen Nyambe a bi tugul kel i nyónós iaa, a boñ nye le a nene, ndi ha ni bôt bobasóna bé, ndik ni mbógi bôt, i i bók téba ni Nyambe, bés yaga, ba di bi je, di nyo lóñni nye, a ma tuge ikété bawoga.
—Minson mi baóma 10:39-41

Ndi Yésu a pule bañ tuge kel bisu i sondi, a bók pémel Maria Magdaléna, nu a héa mimbu mimbe minsambok. —Markó 16:9

Dilo juem di tagbe bañ, banigil bé ba ba ki mu ndap bo ni Tómas.

Yésu a jôp, makóga mayibga, a telep ikété yap, a kal le, Nsañ u ba ni bé. Ni nye a kal Tómas le, Sambal hino hioñ hana, nun-ki moo mem; sambal ki woo woñ, u ha wo mbai yem; u ba bañ nu ngitophémle, ndik nu a nhémle. Tómas a tímbe nye le, A Nwet wem, ni Nyambe wem.
—Yôhanes 20:26-28

Nyen a séma inyu mahóha més, a tuge ki, inyu kéla yés telepsép.
—Róma 4:25

Inyule di nyi le, nu a tugul Nwet le Yésu, a' tugul yak bés loñ yada ni Yésu, ni téé ki bés loñ yada ni bé mbom yé. —2 Korintó 4:14

BITUGNE, BOT—ÑEM YÉS I LIPÉM 39

Hodo, hodo, me nhomp bé le, ngeñ i nlo, yo yaga ini, ngéda bawoga b'a nógól kiñ Man Nyambe; ba ba nok b'a niñ. Ni hel bañ inyu jam lini; inyule ngeñ i nlo le bôt bobasóna ba yé soñ b'a nok kiñ yé, ndi b'a pam; ba ba bi boñ longe inyu bitugne bi niñ; ba ba bi boñ béba inyu bitugne bi mbagi.
—Yôhanes 5:25 ni 28, 29

Too ni nyi bé le, bés bobasóna ba di bi sóblana i Kristó Yésu, di bi sóblana i nyemp yé? Hala ni nyen di bi juba loñ yada ni nye i sóble di bi sóblana i nyemp yé, le ndi kikii Kristó a tuglana ikété bawoga ni lipém li Isañ, wee yak bés di hiumlak ikété niñ di nkós yondo

yondo. Inyule ibale di mal yila ñadbaga ni nye ikété nyemp i mpóna nyemp yé, ngo d'a ba ki ntiik baadbaga ni nye ikété bitugne bi mpóna bitugne gwé.
—Róma 6:3-5

Ndi ibale Kristó a yé ikété nan, . . . mbu won u yé niñ inyu telepsép. Ndi ibale Mbu u nu a tugul Yésu ikété bawoga a nyén ikété nan, wee nu a tugul Kristó ikété bawoga a' niñis yak manyu manan ma ma nwo, inyu Mbu wé nu a nyén ikété nan. —Róma 8:10, 11

Nu a tééba ni lipém a ba Man Nyambe, kingéda Mbu pubha inyu bitugne bi bawoga, hala yé le, Yésu Kristó Nwet wés. —Róma 1:4

Le ibale di mal tohlana moo ma baoo bés di gwélél nye ibabé woñi, ikété pubha ni telepsép bisu gwé dilo tjés tjodisóna. —Lukas 1:74, 75

Inyuhala, a bagwéha, lakii di gwé makak mana, wee di pubus béhbomede ni mam momasóna ma nkééhe bés minsón ni mbu, ndi di yônôs pubha yés inyu woñi Nyambe. —2 Korintó 7:1

Me me nsôble bé ni malép inyu hielñem, ndi nu a nyik lo me mbus a nloo me ngui, me kôli bé me begee bitamp gwé; nyen a' sôble bé ni Mbu Mpubi ni hié. —Matéó 3:11

Kingéda bôkyi ni Nyambe Tata, ikété pubha i Mbu, inyu manôgla

ni linwéhga li matjél ma Yésu Kristó. —1 Pétró 1:2

Jon ibale mut a mpubus nyemede inyu gwom bi, wee a' ba yom ndap i lipém, mpubhaga, nu a kôli gwélél nwet ndap nkôôbaga inyu hi nson nlam. —2 Timôtéó 2:21

Ndi kikii nu a bi sébél bé a yé numpubi, wee yak bébomede ni ba bapubhaga ikété nya bihiumul yosóna. —1 Pétró 1:15

Ndi hanano ni, lakii ni bi témp ngwélés i pes béba, ni yila ki minkol mi Nyambe, wee ni gwé matam manan inyu pubha, ndi lisuk li yé niñ boga. —Rôma 6:22

Jo ni jon yak Yésu a sônól njonok mbus nwemel nkoñ, le ndi a téé bôt bapubhaga ni matjél mé. —Lôk Héber 13:12

Inyule a tep bés ikété yé nkoñ 'isi wo ngi hége, le di ba bapubhaga, ibabé lem bisu gwé ikété gwéha. Ni engep ki mut yondo, nu a bi héga i póna Nyambe ikété télépsép ni pubha i nloná maliga. —Efésó 1:4; 4:24

Ndi mpômbô njel w'a koyop ha homa nu, yak ni nloñ; won w'a séblana le, Nloñ mpubhaga. Mut a yé nyega a'kil bé mu; w'a ba ndik inyu bakoblaga; ba ba nkil mu nloñ u, to ba ba yá ditégéé di bôt, b'a yôm bé. —Yésaya 35:8

Ibale di mpahal bibéba gwés, a yé maliga, a téé ki súp i nwéhl bés bibéba, ni pubus bés inyu ngitelepsép yosóna. —1 Yóhanes 1:9

Lakii gwom bini gwobisóna gw'a tjiba hala, wee kinje ndón bôt ni nlama ba ikété bihiumul bipubhaga ni singe Nyambe ñem. —2 Pétró 3:11

Ligbana i bana nsañ ni bôt basóna, yak ni pubha, ibabé yo mut nye ki nye a' tehe bé Nwet. —Lôk Héber 12:14

Ni engep ki mut yondo, nu a bi héga i póna Nyambe ikété telepsép ni pubha i nloná maliga. —Efésó 4:24

I ba ni le bé ba ni yé bôt babe, ni nyi ti bon banan makébla malam, ngo Isoñ nan nu a yé ngi a' lóôha tí bôt ba nyagal nye Mbu Mpubi. —Lukas 11:13

Ba soohe bañ, homa nu ba kodbana a kahal nyen; ni bobasóna ba yon ni Mbu Mpubi, ba añañ banga Nyambe ni maként. —Minson mi baôma 4:31

M'a ha Mbu wem ikété nan, me boñ ki bé le ni hiumul ikété matén mem; ndi n'a tééda matéak mem ni boñ mo. —Ezékíel 36:27

Ndi bé ni ta bé isi ane minsón, ndik isi ane Mbu, ibale i yé toi le Mbu Nyambe a nyén ikété nan.

Ndi ibale mut a gwé bé Mbu Kristó, wee a ta bé wé. —Rôma 8:9

Ndi n'a kôs ngui ngéda Mbu Mpubi a' lôl ngi nan; n'a ba ki mbôgi yem. —Minson mi baôma 1:8a

Inyule a bé longe mut, a yon ni Mbu Mpubi ni hémle. —Minson mi baôma 11:24a

Ni banigil ba yon ni maséé ni Mbu Mpubi. —Minson mi baôma 13:52

Ndi nye, nyonok ni Mbu Mpubi, a bok mis ngi, a tehe lipém li Nyambe, Yésu ki a bak a téé woo walóm u Nyambe. —Minson mi baôma 7:55

Yéhôva a yé bebe ni ba ba gwé miñem mi nyodop, a ntohol ki ba ba gwé miñem minsôhga. —Tjémbi 34:19

Yéhôva a nkal le, Ngo bini bi yé gwom woo wem u hek, jon gwom bini gwobisóna bi téé hala. Ndi nu nyen a yé mut m'a yimbe: ntehe-bikuu, nu ñem wé u nyodop, ni nu ñem u mbôô matjél inyu lipôdôl jem. —Yésaya 66:2

A bagwéha, ni egep bañ inyu hié hi manoodana hi ntoñbe ikété nan, we ngoñle nkén jam nyen a nkwl bé, ndi kikii ni gwé adna ni njonok Kristó, wee kona maséé, le ndi ni kon maséé ni sôbhe ki, ngéda masoola ma lipém jé. —1 Pétró 4:12, 13

Ndi a' tos gwiiha gwobisóna mis map; nyemp y'a ba ha bé, to malep, to nlondok, to njiha ki, b'a ba ha bé, inyule mam ma bisu ma mal tagbe. —Masoola 21:4

Bôdôl Yéhôva ñem, u boñ ki longe, yén mu loñ, u jés ki wemedé ni maliga. —Tjémbi 37:3

Mu nyen a mal tine bés makak ma yé tik ni ma ma nlóôha makeñi, le ndi inyu yap ni yila bayoñngaba i libak li Nyambe, lakii ni bi pei nyega i yé nkoñ 'isi inyu minheña. —2 Pétró 1:4

Ndi nuna-ki, me yé ni bé dilo tjodisóna i pam lisuk li 'isi. —Matéó 28:20b

Ndi ndék ngét Nyambe nu nsañ a' nyagat Satan isi makôô manan. —Rôma 16:20a

Ndéénga i nu a téé súp i yé ngandak; ndi Yéhôva a nsôn nye mukété yosóna. —Tjémbi 34:20

U yé wem. Ngéda w'a ba u nlôô malép, me yé ni we; to balom yaga, b'a milba bé we. Ngéda u ntagbene hié, w'a lighana bé, to lindômbô li hié l'a toñbene bé we. —Yésaya 43:2

Ndi di nyi ki le, mam momasóna ma mboñ nson loñ yada inyu longe i bôt ba ngwés Nyambe, hala yé le ba ba nséblana kingéda ngôôba yé. —Rôma 8:28

Inyule lakii a son njonok ngéda nyemede a kôs manoodana, wee a nla hôla bôt ba nkôs manoodana. —Lôk Héber 2:18

Ngo manoodana ma ngwelek bé bé ndik ma ma mbéna gwel bôt. Ndi Nyambe a yé maliga, nu a' nwas bé bé le ni kôs manoodana ma nloo ngui nan, ndi ikété manoodana a' néhne bé njel i tohla mu, le ni bana ngui i hônba mo. —1 Korintó 10:13

Inyule di gwé bé prisi keñi i i nla bé nógda njiha pomp yés, ndigi i i mal noodana manjel momasóna nléléw yaga kikii bés, ibabé nye boñ béba. —Lôk Héber 4:15

Nu a nkomol, m'a yilha nye jél ikété témpel Nyambe wem, a' pam ha bé kekikel; ndi m'a tila jôl li Nyambe wem munu nyu yé, ni jôl li nkoñ Nyambe wem, Yérusalem yondo, i i nlôl ngi yak Nyambe wem, i sôhok, yak ni jôl jem li yondo. —Masoola 3:12

Nu a nkomol, b'a ha nye bipuba bi mbot hala; m'a sas bé me ki to jôl jé i kaat niñ, ndi m'a pahal jôl jé bisu bi Tata, ni bisu bi angel yé. —Masoola 3:5

Nu a nkomol, m'a ti nye kunde le béhna nye di yén isi loñ i yééne yem ane, kikii yak me me komol, ndi me yén isi bés Tata yééne yé ane. —Masoola 3:21

Nu a nkomol a' kôdôl mam mana; m'a ba Nyambe wé, nye ki a' ba me man. —Masoola 21:7

Nu a gwé maôô, a nok jam Mbu a nkal mintôn. Nu a nkomol nyen m'a ti Mana ma sôli, m'a ti ki nye puba hibaña, yak ni jôl li yondo nkédlak ngi hibaña, li mut nye ki nye a nyi bé, ndigi nu a nkôs jo. —Masoola 2:17

Ndi nu a nkomol, a yônhak ki minson nwem letee ni lisuk, m'a ti nye kunde ngi biloñ bipe. —Masoola 2:26

Nu a gwé maôô a nok jam Mbu a nkal mintôn. Nu a nkomol, m'a ti nye kunde i je e niñ, i i yé i Paradis Nyambe. —Masoola 2:7

46 NYAMBE A PÔDÔS BÉS INYU I SAGAL MA BII

Ndi ba ba mal biina, me mbéhe bo, ndi ha memede bé me ndik Nwet, le nwaa a bagla bañ ni nlô wé. Ndi i ba ki le a bagla ni nye, wee a yén nso, to le a sangla ni nlôm; ni le, nlôm a héa bañ nwaa wé. Muda a kéni ni nlô wé dilo tjo-disôna nlôm a yii nom; ndi ibale nlôm a nwo, wee a yé kunde i biiba ni nu a ngwés, ndi ndigi le, hala a ba i Nwet. —1 Korintô 7:10-11, 39

Inyule muda a gwé nlôm, mbén i nkañ nye ni nlô wé ntel nlôm a yii nom; ndi ibale nlôm a nwo, wee a nhohla ni mbén i bé kañ nye ni nlôm. Jon ibale muda a fiat nye-

mede ni munlôm numpe ngéda nlôm a yii nom, wee a' séblana le muda ndénk; ndi i ba ki le nlôm a nwo, wee a nyila kunde ni mbén i, le ndi a ba bañ muda ndénk ngéda a fiat nyemede ni munlôm numpe. —Rôma 7:2, 3

Tonjee a nhéa nwaa wé, a bii numpe, wee a nke ndénk; tonjee ki a mbii muda nlô wé a bi héa, wee a nke ndénk. —Lukas 16:18

Ndi me me nkal bé le, Tonjee a nhéa nwaa wé handuk inyu ndénk yotama, wee a nyilha nye muda ndénk; tonjee ki a mbii nwahak muda, a nke ndénk. —Matéô 5:32

KRISTÔ A NTIIMBA NLO

47

Ndi ibale me nke, me kôôbana bé homa, me nlo ki, me yoñ bé meeni, le homa me yéne, yak bé ki ni ba ha. —Yôhanes 14:3

Me nhoo lo; kôbda yaga jam u gwé moo le mut a yoñ bañ ntut woñ. —Masoola 3:11

Inyule tonjee a nwél me ni bibanga gwem nyu ikété hiai hi ndénk ni hi béba hini, yak Man mut a' wél nye nyu ngéda a' lól ikété lipém li Isañ ni angel pubi. —Markô 8:38

Ndi to le yimbne Man mut y'a nene ngi; ngéda i matén ma 'isi momasôna m'a ee, m'a tehe Man mut a nlól ngi ont ngi ni lipémba ni lipém likeñi. —Matéô 24:30

Ndi yak bé hônšana; lédhana miñem minan, inyule malól ma Nwet ma gwé ni moo. —Yakôbô 5:8

Inyule kikii nwegnwék a nwek likól, a tééga letee ni hiônk, hala ki nyen malól ma Man mut m'a ba. —Matéô 24:27

Ndi, a lôktata, i nsômbla bé ki le di tila i toñle bé inyu ngéda, to ngeñ. Inyule bébomede ni nyi longe longe le ngwa Nwet w'a lo kikii mut wip a yé a nlo juu. —1 Tésalônika 5:1, 2

Ni Yésu a kal le, Me yé nye; ndi n'a tehe Man mut a yii i woo walôm u Lipémba, a lok ni ont ngi. —Markô 14:62

48 KRISTÔ A NTIIMBA NLO

A bôt ba Galiléa, inyuki ni téé ni béngege ngi? Yésu nunu, nu a nyodi ni bé, a yôña ngi, a' témp ki hala kikii ni ntehe nye a nke ngi. —Minson mi baôma 1:11

Ha nyen b'a tehe Man mut a nlól ont ni lipémba ni lipém likeñi. —Lukas 21:27

A bagwéha, di yé bon ba Nyambe hanano, ndi i yé ngi soolana bés kikii d'a ba. Di nyi le ngéda a' soola, d'a póna nye, inyule d'a tehe nye kikii a yé. Ndi hi mut a gwé botñem ini ikété yé, a mpubus nyemede kikii yak nye a yé mpubi. —1 Yôhanes 3:2, 3

Nu a nyén péé, a téédaga mbot yé, le a tiga hiôm nso, ndi ba tehe

wonyu yé a yé nsaibak. —Masoola 16:15

Yak bé yéna nkôôbaga; inyule Man mut a' lól ngeñ ni hoñlak bé. —Lukas 12:40

Inyule Man mut a' lo ikété lipém li Isañ ni angel yé; ndi to le a ntimbhe hi mut kingéda liboñok jé. —Matéô 16:27

Ndi bés, titis yés nkoñ i yéne nyoo ngi; di ntéñbe ki bem Ntohol, Nwet le Yésu Kristô, nu a' lól nyoo. Nyen a' héñha binenne bi nyu ini i nsuhus bés, le ndi i yila nlélém kikii nyu yé i yôni ni lipém, kingéda ngui a yé le a éba, le a suhus yaga mam momasôna isi yé. —Filipi 3:20, 21

BANGA NYAMBE

SOOHE NI NWÉHÉL

Ngí bo 'isi b'a tagbe, ndi banga gwem gw'a tagbe bé. —Lukas 21:33

Inyule bipôdól bi bapôdól gwo ki gwo bi lo bé kekikel ni sômból mut nyemede, ndi Mbu Mpubi nyen a ba gwel mahoñol ma bôt le ba pot jam li nlól yak Nyambe. —2 Pétrô 1:21

Tilna yosôna i nlól ni Nyambe, i mbahal, inyule i nti maéba, i yoiyak, i béhge, i niigaga ki telepsép. —2 Timôtéô

Banga yoñ i yé tungeñ i makôô mem, ni mapubi ma njel yem. —Tjémbi 119:105

Jon soohana ni lana le, a Tata wés nu a yé ngi, Jól joñ li tééba lipubi. Ane yoñ i lo. Sômból yoñ i bôña 'isi kikii ngi. Ti bés koga i kôli ni bés len. Nwéhél bés bibéba gwés, kii yak bés di nwéhél bet ba mboñ bés béba. U éga bañ bés ikété manoodana, ndi tohol bés inyu mut mbe. (Inyule ane i yé yoñ, ni lipémba, ni lipém mba ni mba. Amen.) Inyule ibale ni nwéhél bôt mahôha map, ki Isoñ nan nu a yé ngi a' nwéhél yak bé. Ndi ibale ni nwéhél bé bôt, ki to Isoñ nan a' nwéhél bé bé mahôha manan. —Matéô 6:9-15

Published in numerous languages by World Missionary Press as God supplies funds in answer to prayer. If you would like more copies for careful distribution, please write to us in English or visit .

World Missionary Press, Inc.
P.O. Box 120
New Paris, IN 46553-0120 USA

www.wmpress.org

Bassa HFA